

Ruj. Kami: MBPJ/090100/T/A6/2/JLD12 (53)

Tarikh: 9 September 2014

KENYATAAN AKHBAR

PELAKSANAAN SISTEM JALAN SEHALA DI JALAN UTARA, JALAN TIMUR, JALAN BARAT, JALAN SULTAN DAN JALAN YONG SHOOK LIN, PETALING JAYA

Petaling Jaya dahulunya dikenali sebagai sebuah Bandar Satelit bagi tujuan menampung keperluan pembangunan di Kuala Lumpur. Kini, Petaling Jaya telah membangun menjadi salah sebuah Bandar raya dinamik, yang pesat dengan pembangunan seiring dengan status Bandar raya yang telah dicapai pada 20 Jun 2006.

Sebagai salah sebuah Bandar raya maju di Malaysia, Petaling Jaya menjadi tumpuan pelabur di dalam dan luar negara di samping menjadi tempat tumpuan kediaman penduduk. Dengan keluasan 97.2 km persegi dan jumlah populasi penduduk seramai 619,925 orang, menjadi pusat komersial utama, hospital awam dan swasta, sekolah awam dan swasta serta pertambahan penduduk yang pesat, Petaling Jaya tidak lari dari masalah kesesakan lalulintas seperti bandaraya maju lain.

Kesesakan lalulintas berlaku khususnya pada waktu puncak di pusat-pusat bandar utama seperti Seksyen 52, Mutiara Damansara, Dataran Sunway dan di beberapa buah pusat bandar yang lain.

Bagi memberikan keselesaan kepada penduduk dan pengguna jalanraya, selain memberi peluang kepada pemilik-pemilik tanah di sekitar Pusat Bandar Seksyen 52 memajukan tanah mereka, pihak Majlis telah mengambil inisiatif untuk menjalankan beberapa kajian lalulintas untuk mengenalpasti punca masalah dan seterusnya mengambil langkah-langkah bagi mengatasi masalah kesesakan lalulintas yang berlaku di sekitar Petaling Jaya dan salah satu darinya adalah Projek Jalan Sehalu yang melibatkan Jalan Utara, Jalan Timur, Jalan Barat, Jalan Sultan dan Jalan Yong Shook Lin, Petaling Jaya

Projek Jalan Sehalu ini melibatkan 2 Fasa iaitu Fasa 1 dan Fasa 2. Bagi kerja-kerja Fasa 1 telah bermula pada Julai 2014 hingga September 2014. Kerja-kerja di dalam Fasa 1 melibatkan pembukaan pembahagi jalan sebanyak 8 lokasi, penebangan sebanyak 38 pokok juga akan dilakukan iaitu 11 pokok di Jalan Barat, 15 pokok di Jalan Utara dan 12 pokok di Jalan Sultan, pengalihan pokok-pokok sediaada sebanyak 46 pokok dari Jalan Timur serta pemasangan papan tanda isyarat sementara serta kerja-

kerja mengecat jalan. Sistem jalan sehala ini akan dilaksanakan secara percubaan selama 3 bulan bermula 12 Oktober 2014 sehingga 12 Januari 2015.

Manakala bagi kerja-kerja fasa 2 pula, melibatkan kerja-kerja penurapan jalan, menyediakan laluan pejalan kaki, laluan basikal, pemasangan lampu jalan, pemasangan cctv, pemasangan bumbung pejalan kaki, pemasangan papan tunjuk isyarat, papan tanda arah dan mengecat jalan.

Pelaksanaan jalan sehala ini juga akan melibatkan penanaman pokok baru sebanyak 4970 batang pokok dari spesis *pokok Bungor langkawi* sebanyak 380 batang, *pokok kelat paya* sebanyak 3690 batang dan *pokok menjalar* sebanyak 900 batang, Majlis berharap supaya sistem ini juga dapat menjadikan masa perjalanan lalulintas lebih lancar di sepanjang lingkaran tersebut. Majlis juga akan mengambil kira penyediaan laluan pejalan kaki secara berasingan, laluan basikal, perkhidmatan bas awam dan juga laluan kenderaan persendirian. Kos projek yang terlibat berjumlah RM23.8 juta dan akan dibiayai menggunakan peruntukan Akaun Tabung Amanah.

Dengan pelaksanaannya, perkhidmatan pengangkutan awam di sepanjang jalan lingkaran ini akan dapat menambahbaik waktu perjalanan serta tahap kecekapan perkhidmatannya.

Adalah menjadi hasrat Majlis Bandaraya Petaling Jaya supaya projek ini akan dapat dilaksanakan dengan jayanya bagi memastikan semua pihak khususnya penduduk di Petaling Jaya dapat menikmati kehidupan yang lebih selesa.

Untuk sebarang maklumat dan keterangan lanjut orang ramai boleh melayari laman web rasmi Majlis www.mbpj.gov.my atau menghubungi Jabatan Kejuruteraan Majlis Bandaraya Petaling Jaya, Tingkat 13, Menara MBPJ, Jalan Tengah, 46200 Petaling Jaya di talian 03-7958 4221 atau emel ; jalansehalasek52@mbpj.gov.my

Di keluarkan oleh:

Sekretariat Media
Unit Perhubungan Awam
Majlis Bandaraya Petaling Jaya

Laman web: www.mbpj.gov.my, facebook: Petaling Jaya City Council, twitter: [pjcitycouncil](https://twitter.com/pjcitycouncil),
emel: media@mbpj.gov.my Tel : 03-79563544 sambungan 203/208, Faks : 03-79582695